

1001 Masalah

Abu Al-Mukhtar Sedia Menjawab



Hukum Zakat Dalam Islam

Dan Segala Pecahannya

(3)

Dalam keluaran yang lalu, telah diterangkan tentang zakat emas dan perak, dan juga tentang zakat barang-barang perniagaan. Kali ini pula ialah tentang zakat binatang-binatang ternak.

3 – Zakat Binatang-binatang Ternak

Binatang-binatang ternak yang wajib dikeluarkan zakatnya ialah unta, lembu (termasuk kerbau) dan kambing. Zakatnya diwajibkan dengan dua syarat :

Pertama: Hendaklah binatang itu dilepaskan oleh tuannya untuk mencari makan sendiri, bukan disediakan makanannya. (Syarat ini ditetapkan oleh tiga mazhab kecuali mazhab Mālikī yang mewajibkan zakat binatang ternak secara mutlak, baik ia dilepaskan mencari makan sendiri atau disediakan makanannya).

Kedua: Hendaklah tuan punya binatang-binatang ternak itu mempunyai satu jumlah yang tertentu, yang mencukupi nisab (dan genap pula setahun dalam miliknya). Jika ia tidak memiliki jumlah yang tersebut, ataupun binatang-binatang ternaknya itu disediakan makanannya, maka tidak wajib

dikeluarkan zakatnya.

Takrif “binatang-binatang ternak yang dilepaskan oleh tuannya untuk mencari makan sendiri” ataupun “*al-sā’imah*”, telah diuraikan oleh empat mazhab seperti berikut :

Mazhab Shāfi‘ī – berkata: binatang ternak yang mencari makan sendiri ialah binatang ternak yang dilepaskan oleh tuannya, yang mengetahui bahawa dialah yang milikinya, atau yang dilepaskan oleh wakilnya, untuk mencari makan di padang-padang rumput yang tidak berkawal sepanjang-pangjang tahun itu.
Tidak mengapa kalau binatang ternaknya meragut rumput-rumput yang dimiliki oleh orang lain jika harganya sedikit, dan juga tidak mengapa jika ia menyediakan makanan untuk binatang-binatang ternaknya dalam sehari atau dua hari, asalkan dia (tuannya) tidak bermaksud dengan itu hendak memutuskan binatang-binatang ternaknya itu daripada dilepaskan mencari makan sendiri. Jika ketinggalan salah satu syarat daripada syarat-syarat tersebut maka binatang ternaknya itu tidak lagi menjadi “binatang ternak yang dilepaskan mencari makan sendiri”, umpamanya binatang itu terlepas lalu mencari makan di padang-padang rumput, atau dilepaskan oleh orang lain (bukan tuannya atau wakilnya), atau diberi makan oleh tuannya dengan makanan yang tidak mencukupi atau binatang ternak itu diwarisi oleh seseorang yang tidak mengetahui bahawa binatang itu telah berpindah milik kepadanya, maka tidaklah wajib zakatnya dalam hal-hal yang seperti itu. Demikian juga tidak wajib zakat pada binatang ternak yang dilepaskan oleh tuannya mencari makan di padang-padang rumput, yang cukup syarat-syaratnya seperti yang disebutkan tadi apabila binatang itu dicadangkan hendak digunakan untuk bekerja (membajak sawah jika binatang itu kerbau misalnya).

Mazhab Ḥanafī – berkata: binatang ternak yang mencari makan sendiri ialah yang dilepaskan oleh tuannya untuk mencari makan di padang-padang rumput yang tidak berkawal pada kebanyakan masa dalam tahun itu dengan tujuan hendak memerahkan susunya, atau melahirkan anak, atau menjadi gemuk supaya kuat, bukan untuk disembelih. Tuannya mestilah mengqasadkan bahawa ia melepaskan binatang ternaknya mencari makan sendiri ialah kerana tujuan-tujuan yang tersebut. Kalau ia melepaskan binatang ternaknya mencari makan dengan tujuan untuk disembelih, atau supaya mengandung, atau untuk dijadikan kenderaan, atau digunakan membajak, maka tiada wajib dikeluarkan zakatnya sama sekali. Kalau pula ia melepaskan binatang ternaknya mencari makan sendiri untuk diperniagakan maka wajiblah zakatnya sebagaimana yang akan diterangkan kelak.

Demikian juga tidak wajib zakatnya jika ia menyediakan makanannya dalam masa setengah tahun atau lebih, dan juga tidak wajib zakatnya jika binatang ternak itu terlepas mencari makan sendiri, bukan dengan kehendak tuannya.

Mazhab Ḥanbalī – berkata: Binatang ternak yang mencari makan sendiri ialah binatang yang berpada dengan mencari makan di padang-padang rumput yang tidak berkawal pada kebanyakan masa dalam tahun itu sekurang-kurangnya. Disyaratkan pula hendaklah tujuan memeliharanya ialah untuk memerah susunya, atau untuk melahirkan anak, atau untuk digemukkan. Kalau dipelihara dengan tujuan untuk dijadikan pengangkut barang-barang, atau kenderaan, atau membajak maka tiadalah wajib zakatnya. Kalau pula dipelihara dengan tujuan hendak diperniagakan maka wajiblah zakatnya sebagaimana yang akan diterangkan kelak. Tidak menjadi syarat

supaya tuannya dengan sengaja melepaskannya untuk mencari makan sendiri. Kalau binatang ternak itu mencari makan dengan sendirinya atau kerana dilepaskan oleh orang lain dengan paksa pada kebanyakan masa tahun itu, bukan dengan kehendak tuannya, maka wajib dikeluarkan zakatnya.

Mazhab Mālikī – mazhab ini tiada menentukan takrif binatang ternak yang mencari makan sendiri. Mazhab Mālikī mewajibkan zakat binatang ternak secara mutlak, baik yang dilepaskan mencari makan sendiri atau yang disediakan makanannya oleh tuannya.

Zakat Unta

Walaupun jenis binatang ternak ini tiada di negeri ini, tetapi untuk menambah pengetahuan, elok juga diketahui kerana hukum zakatnya telah sedia dalam hukum syarak.

Kitab sejarah untuk sekolah-sekolah

Sudah siap

Sejarah Ringkas

Muhammad

Sallā Allāhu ‘alayhi wa sallam

Disusun oleh Edrus. Sejarah

ringkas Junjungan kita Muhammad (S.A.W.) yang perlu diketahui terutamanya oleh murid-murid sekolah.

Tiap-tiap bahagian disudahi dengan pertanyaan-pertanyaan yang boleh mengingatkan murid-murid kepada apa yang telah dibacanya. Bahasanya mudah difaham dan disulam dengan peta dan gambar-gambar yang berkenaan dengan sejarah-sejarah itu. Pertama buku sejarah ringkas yang diterbitkan oleh Qalam untuk sekolah-sekolah.

Senaskhah \$1.20

Pos 10 sen.

Nisab atau jumlah yang mewajibkan zakat unta ialah sebanyak lima ekor. Apabila berjumlah lima ekor maka wajib dikeluarkan zakatnya iaitu seekor kambing betina, dan begitulah seterusnya pada tiap-tiap lima ekor unta hingga mencapai jumlah dua puluh ekor maka zakatnya ialah empat ekor kambing betina. Jika unta itu berjumlah dua puluh lima ekor, maka zakatnya ialah seekor anak unta betina yang berumur setahun dan masuk dalam tahunnya yang kedua. Apabila berjumlah tiga puluh enam ekor maka zakatnya ialah seekor anak unta betina yang berumur dua tahun lebih. Manakala berjumlah empat puluh enam ekor maka zakatnya ialah seekor anak unta betina yang berumur tiga tahun lebih. Apabila berjumlah enam puluh satu ekor maka zakatnya ialah seekor anak unta betina yang berumur empat tahun lebih. (Syarat yang menetapkan hendaklah anak unta itu masuk dalam tahunnya yang kedua, atau yang ketiga, atau yang keempat ialah syarat yang ditetapkan oleh mazhab-mazhab yang empat kecuali Ḥanbalī.

Sudahkah tuan membaca :

Surat-menyurat

Disusun oleh Edrus – mengandungi

hal ehwal pejabat surat dengan contohnya iaitu selain daripada mengandungi hal ehwal yang mengenai surat-surat beradat, kepada ahli-ahli agama, kepada orang awam.

Inilah pertama-tama buku mengenai surat menyurat di dalam bahasa Melayu huruf jawi yang lengkap kandungannya.

Senaskhah \$1.80

Pos 20 sen

Kalau memesan hendaklah disebut naskhah Jawi.

Mazhab Ḥanbalī hanya berpada dengan anak-anak unta yang berumur dua tahun sahaja, yang akan dikeluarkan sebagai zakat bagi jumlah-jumlah unta yang telah disebutkan tadi).

Apabila jumlah unta itu mencapai tujuh puluh enam ekor maka zakatnya ialah dua ekor anak unta betina yang berumur dua tahun lebih. Manakala berjumlah sembilan puluh satu ekor maka zakatnya ialah dua ekor unta betina yang berumur tiga tahun lebih dan apabila berjumlah seratus dua puluh satu ekor maka zakatnya ialah tiga ekor anak unta betina yang berumur dua tahun lebih menurut mazhab Shāfi‘ī dan Ḥanbalī (kecuali mazhab Ḥanafī dan Mālikī. Lebih lanjut lihat kitab “*al-Fiqh ‘alā al-Madhāhib al-Arba‘ah*”).

Apabila unta yang diwajibkan zakatnya itu berjumlah seratus tiga puluh ekor maka berubahlah cara zakatnya, iaitu pada tiap-tiap empat puluh ekor hendaklah dikeluarkan zakatnya seekor anak unta betina yang berumur dua tahun lebih, dan pada tiap-tiap lima puluh ekor hendaklah dikeluar zakatnya seekor anak unta betina yang berumur tiga tahun lebih. (Jadi, unta yang mencapai jumlah seratus tiga puluh ekor maka zakatnya ialah dua ekor anak unta betina yang berumur dua tahun lebih dan seekor unta betina yang berumur tiga tahun lebih). Manakala berjumlah seratus empat puluh ekor maka zakatnya ialah dua ekor anak unta betina yang berumur tiga tahun lebih dan seekor anak unta betina yang berumur dua tahun lebih. Dan apabila berjumlah seratus lima puluh ekor maka zakatnya ialah tiga ekor anak unta betina yang berumur tiga tahun lebih. Demikianlah seterusnya pada tiap-tiap tambahan sepuluh ekor bertambahlah pula zakatnya.

Zakat Lembu Dan Kerbau

Nisab atau jumlah yang mewajibkan zakat lembu ialah sebanyak tiga puluh ekor. Apabila mencapai tiga puluh ekor maka zakatnya ialah seekor anak lembu jantan atau betina yang berumur setahun lebih. (Menurut mazhab Shāfi‘ī dan Mālikī, lebih afdal mengeluarkan anak lembu betina).

Apabila mencapai jumlah empat puluh ekor maka zakatnya ialah seekor anak lembu betina yang berumur dua tahun lebih. (Tiga mazhab sekata menetapkan anak lembu yang dikeluarkan itu hendaklah anak lembu betina kecuali mazhab Ḥanafī yang membolehkan juga anak lembu jantan).

Apabila jumlahnya mencapai enam puluh ekor maka zakatnya ialah dua ekor anak lembu (jantan atau betina) yang berumur setahun lebih. Manakala berjumlah tujuh puluh ekor pula maka zakatnya ialah seekor anak lembu betina yang berumur dua tahun lebih dan seekor anak lembu jantan yang berumur setahun lebih. Manakala berjumlah sembilan puluh ekor pula maka zakatnya ialah tiga ekor anak lembu jantan yang berumur setahun lebih. Dan apabila berjumlah seratus ekor maka zakatnya ialah seekor anak lembu betina yang berumur dua tahun lebih dan dua ekor anak lembu jantan yang berumur setahun lebih. Manakala jumlahnya mencapai seratus sepuluh ekor maka zakatnya ialah dua ekor anak lembu betina yang berumur dua tahun lebih dan seekor anak lembu jantan yang berumur setahun lebih. Apabila berjumlah seratus dua

puluh ekor maka zakatnya ialah empat ekor anak lembu jantan yang berumur setahun lebih, atau tiga ekor anak lembu betina yang berumur dua tahun lebih dan begitulah seterusnya, apabila bertambah jumlah lembu yang dipelihara maka bertambahlah pula jumlah zakatnya.

Zakat kerbau, sama sahaja seperti zakat lembu.

Zakat Kambing

Nisab atau jumlah yang mewajibkan zakat kambing ialah sebanyak empat puluh ekor. Apabila mencapai empat puluh ekor maka zakatnya ialah seekor kambing betina yang berumur setahun lebih.

BUKU2 RUMI

Penerbitan Qalam Yang Terbaru

Kesan kesusasteraan Tua Di

Tanah Ayer

Oleh: Abdullah B. Hj. Musa

(Lubis) \$2.00

Cherita-cherita Sejarah I

Oleh: Edrus \$1.00

Teras Kebudayaan Nasional

Oleh: Mahmud Ahmad \$1.50

Balek Dari Medan Perjuangan

Oleh: Ahmad Lutfi \$1.00

Sisa Neraka Dunia

Oleh: Ahmad Lutfi \$1.20

Bangkai Bernyawa

Oleh: Ahmad Lutfi \$1.00

Tinjauan Sastera Tanah Ayer

Oleh: Abd Ghani bin Abbas \$1.50

Sejarah Perak Dahulu dan Sekarang

Oleh: Abdullah Hj. Musa

(Lubis) \$2.00

Surat Menyurat (chitakan kedua)

Oleh: Edrus \$2.00

Pesan Kepada :

QALAM

356/8, GEYLANG ROAD,

SINGAPURA 14.

Dalam pada itu, cara mengeluarkannya bergantung kepada jenis kambing yang dipelihara. Kalau kambing biasa maka zakatnya daripada jenis itu juga, dan kalau kambing biri-biri maka zakatnya daripada kambing biri-biri juga.

Kalau pula kambing yang dipelihara itu daripada dua jenis, dan kambing biri-biri lebih banyak jumlahnya daripada kambing biasa maka zakatnya hendaklah daripada kambing biri-biri. Kalau sama banyak, umpamanya seseorang itu memelihara dua puluh ekor kambing biasa dan dua puluh ekor kambing biri-biri, maka pemungut zakat itu bebas memilih dan mengambil seekor kambing betina daripada jenis mana yang dikehendakinya. Hukum ini sekata di antara mazhab Hanafī dan Mālikī. Manakala mazhab Shāfi‘ī dan Ḥanbalī pula membolehkan kambing biasa dikeluarkan zakatnya

dengan kambing biri-biri dan sebaliknya, asalkan harganya bersamaan.

Lebih lanjut, apabila jumlah kambing itu seratus dua puluh satu ekor maka zakatnya ialah dua ekor kambing betina. Manakala jumlahnya dua ratus satu ekor maka zakatnya ialah tiga ekor kambing betina. Apabila mencapai jumlah empat ratus ekor maka zakatnya ialah empat ekor kambing betina. Selain daripada itu maka tiap-tiap seratus ekor tambahan daripada jumlah yang tersebut hendaklah dikeluarkan zakatnya seekor kambing betina.

(Dalam keluaran yang akan datang, akan dijelaskan tentang zakat tanam-tanaman).

Siri Sejarah Hidup Nabi Muḥammad

Šallā Allāhu ‘alayhi wa ālihi wa sallam

Disusun oleh

Edrus

Buku ini disusun dipersesuaikan dengan sukanan pelajaran sejarah Islam untuk pelajaran agama di sekolah kebangsaan

di Persekutuan Tanah Melayu. Berpenggal-penggal: 1. Hāshīm bin ‘Abd Manāf, 2. ‘Abd al-Muṭalib, Nenda Nabi, 3. ‘Abd Allāh dan Āminah – Ayah Bonda Nabi, 4. Hari diperanakkan, 5. Halimah al-Sa‘diyyah, 6. Yatim piatu, 7. Berkahwin dengan Sītī Khadījah, 8. Menerima wahyu.

Buku ini mengandungi 24 buah. Sambungannya akan segera diterbitkan oleh Qalam Singapura. Harganya 30 sen senaskhah. Belanja mengirim 10 sen.

